

Р о н т. facientes plenam et expressam, ac de verbo ad  
A. XII. verbum de indulto hujusmodi mentionem.

Consti- §. 68. Ad hoc autem, ut eadem præsentis  
tutionis litteræ amplius innotescant, et de eis in singulis  
exemplis locis, in quibus forsitan opus erit, fides commodè  
MSS. aut fieri possit; volumus, et eadem auctoritate de-  
impressis cernimus, quod ipsarum transumptis etiam im-  
auctoritas pressis, manu Secretarii Capituli ipsius Basilicæ  
tribuitur. Principis Apostolorum, seu alicujus Notarii pu-  
blii subscriptis, et Sigillo ejusdem Capituli,  
seu personæ in Ecclesiastica dignitate constitutæ  
munitis, eadem prorsus ubique fides in Judi-  
cio, et extra illud adhibeatur, quæ eisdem  
præsentibus originalibus adhiberetur, si forent  
exhibitæ vel ostensæ.

Sanctio §. 69. Nulli ergo omnino hominum liceat hanc  
paginam nostrarum confirmationum, approba-  
tionum, exemptionum, concessionum, indulto-  
rum, statutorum, decretorum, mandati, præ-  
cepti, derogationis, et voluntatis infringere, vel  
ei ausu temerario contraire. Si quis autem hoc  
attentare præsumpserit, indignationem Omni-  
potentis Dei, ac Beatorum Petri, et Pauli Apo-  
stolorum ejus se noverit incursum.

Dat. Pont. Datum Romæ apud S. Mariam Majorem Anno  
An. XII. Incarnationis Dominicæ MDCCLII. Sexto Kalen-  
die 27. das Aprilis, Pontificatus Nostri Anno Duode-  
Martii cimo.  
1752.

*D. Card. Passioneus.*

*J. Datarius.*

VISA DE CURIA.

J. C. Boschi.

Loco ✕ Plumbi.

J. B. Eugenius.

*Registrata in Secretaria Brevium.*

ANNO  
1752.

CONGREGATIONIS

LX.

Piorum Operariorum commodis et incrementis  
per oportuna Decreta et Indulta prospicitur.

*Dilectis Filiis Presbyteris Sæcularibus Con-  
gregationis Piorum Operariorum Vocali-  
bus ad Capitulum Generale vocatis.*

BENEDICTUS PAPA XIV.

*Dilecti Filii, Salutem et Apostolicam  
Benedictionem.*

QUAM propensa studiosaque voluntate nostra Pontificis  
Congregationem vestram per prædicationem animus  
Verbi Dei et sacras Missiones ad majorem di- erga Cong-  
vini nominis gloriam adaugendam, et æternam benevolus  
Christifidelium salutem procurandam assiduis declara-  
laudabilibusque laboribus intentam prosequa- tur.  
mur, etsi vobis dilecti Filii, ex impertitis a  
Nobis eidem Congregationi vestræ Apostolicæ  
benignitatis documentis jam satis compertum  
esse non ambigimus; tamen, ut clariùs vobis  
constet, nova Pontificæ charitatis testimonia  
addere satagimus et optamus. Quoniam autem, Causæ,  
sicut perspectum habemus, Institutum ejusdem quibus  
Congregationis vestræ, tam saluberrimis Regulis adductus  
et Constitutionibus ab Apostolica hac Sancta Pont. de-  
Sede confirmatis, necnon Capitularibus decre- cernit, et  
tis munitum esse, ut illud integerrimè servan- indulget,  
tes, alacriter valeatis viam mandatorum Dei ut infra.  
currere, et dignè ambulare vocatione, qua  
vocati estis; ita Nobis persuasum est, non  
aliunde evenire, quod quamplurimi ejusdem  
Congregationis vestræ Alumni, quippe qui nul-  
lis Professionis vel solemniū votorum legibus

PONT. A. XII. obstringuntur, sed omnimoda ipsam Congregationem relinquendi libertate gaudent, postquam in eadem formati fuerint, facile illam deserant, quàm propter nonnulla vitæ severioris incommoda, et propter nonnullas rei familiaris aliquibus necessariæ angustias; Ea propter Nos, qui Congregationem vestram magis magisque increscere in Domino cupimus, opportuna Apostolicæ providentiæ, auctoritatisque remedia adhibere censemus, ut, sublatis impedimentis, det Dominus unicuique perseverantem in Congregatione vestra famulatum, quo in diebus nostris, ac semper, et merito et numero eidem Domino serviens Congregatio vestra augeatur.

De electione Præpositi Generaliumque Officialium et Rectorum.

§. 1. Itaque vos, dilecti Filii, rogamus et in Domino hortamur, ut, quoniam ad Generale ejusdem Congregationis vestræ Capitulum propediem celebrandum convenistis, primum quidem communibus animis, unum Deum præ oculis habentes, eum Congregationi vestræ Præpositum Generalem præficere contendatis, qui inter cæteros, ad quos spectat, prudentia, doctrina, et pietate præcellens, debitam observantiam exemplis accendat, charitate foveat, auctoritate tueatur. Deinde verò non minori cura incumbere debetis ad aliorum Rectorum et Officialium electionem, quos cæteris præesse obstrictos, oportet, non ut dominantes in subditis Fratribus, sed tanquam formam gregis factos ex animo, se gerere; atque illis præclaro religiosarum virtutum exemplo præcedere, et præsto semper esse, cujusque præsertim Domus Rectorem, maximè præ aliis eum, qui Domui Sanctæ Mariæ ad Montes hujus Almæ Urbis nostræ constitutus, Collegii etiam nostri Neophytorum onus sustinet.

De loco convocationis Capituli Generalis, et resi-

§. 2. Præterea cum neque per Constitutiones, neque per Decreta Capitularia præscriptum reperitur quod Generale Capitulum vestrum singulis trienniis in Civitate Neapoli dumtaxat celebrari, atque inibi Generalis Præpositus ve-

ster commorari debeat; et aliunde constet, plurimum incremento Congregationi vestræ futurum, si Capitulum Generale hujusmodi in uno quidem Neapoli, in altero verò triennio Romæ alternatim celebraretur, et vicissim Præpositus Generalis cum suis Assistentibus, juxta Constitutiones vestras, domicilium haberet (quamplurimi fortasse Status nostri etiam Ecclesiastici, aliarumque Nationum Romæ habitantes Viri Congregationi vestræ adscriberentur; nec tam pauci hic invenirentur, ubi messis certè multa est): Eapropter a vobis, dilecti Filii, exposcimus, ut hac in re utilitatem Congregationi vestræ inde provenientem considerantes, nostris etiam votis obsecundare satagatis.

§. 3. Insuper Nos certiores facti, vobis, quorum præcipuum munus est Missiones in Civitatibus, Oppidis, aliisque locis dumtaxat peragere, nunquam verò Quadragesimalem Prædicationem, nisi in una tantummodo Ecclesia ejusdem Domus S. Mariæ ad Montes Congregationi vestræ concessa obire, posse gravissimum evenire, ut quisque sibi Quadragesimales ejusmodi Conciones concinnet, alias nulli prorsus recitandas, vos ab hujusmodi onere Apostolica auctoritate tenore præsentium liberamus et absolvimus, atque emolumentum triginta scutorum monetæ Romanæ eidem Domui pro dicta annua Quadragesimali Prædicatione constitutum vobis relinquere, et solvi mandamus; dummodo, præter Conciones, Instructionesque singulis feriis quintis ac Sabbathis per annum post prandium, dum Sanctissimum Eucharistiæ Sacramentum publicæ Fidelium venerationi expositum est, haberi solitas, vobisque injunctas, singulis etiam Dominicis, diebus Quadragesimæ et diebus festis de præcepto Ecclesiæ in ea occurrentibus, necnon in Dominicis diebus sacri Adventus, omnino ex Pulpito, sive mane, sive post vesperras, vel rudimenta Catholicæ Fidei, vulgò Doctrinam Christianam,

ANNO 1752.  
deventia  
Superiorum  
Majorum.

Prædicationis  
Quadragesimalis  
onus remittitur,  
sub certis  
conditionibus.

PONT. et Catechismum Romanum, tradatis, vel Evangelium currentis Dominicæ explicetis, vel Concionem aliquam habeatis; atque insimul per octo continuos dies Exercitia Spiritualia in eadem Ecclesia, tempore opportuno, prout vobis visum fuerit, omnino peragatis; et publicam expositionem Sanctissimi Eucharistiæ Sacramenti, cum piis precibus et sermonibus, per novem continuos dies ante Nativitatem D. N. J. C. a vobis pro vestra pietate et placito fieri solitam, omnino etiam deinceps non omittatis.

Stipendium pro XV. Missis in Mensis singulis traditur.  
 §. 4. Porrò etsi vestri Instituti rationi maxime confert, ut in Congregationem vestram adlegantur nonnisi Adolentes generis, animique dotibus conspicui, et ad Patrimonii titulum Sacris Ordinibus initiati, vel initiandi, bonisque abundantes, quibus, præter victum a Congregatione contribuendum, ad quæcumque alia vitæ necessaria commoda uti quisque debet; tamen interdum accidit, quod nonnullis ex bonis suis nullum capientibus emolumentum, per Superiores indulgeatur, ut stipendium aliquot Missarum, quæ cæteroque pro Congregatione celebrandæ sunt, alicui impendatur; Nos scientes aliquem reperiri posse, qui indigentiam suam Superioribus aperire erubescat; volumus et mandamus, ut deinceps omnibus et singulis dictæ Congregationis Sacerdotibus emolumentum quindecim Missarum ab ipsis in singulos menses celebrandarum tribuatur et elargiatur; dummodo unusquisque reliquas Missas in commodum utilitatemque Congregationis suæ celebret et applicet.

De sur- rectione matutina, et Officii Divini recitatione.  
 §. 5. Quod verò per Constitutiones statuitur, ut matutina surrectio per æstivos præsertim menses fiat post unam mediæ noctis abactæ horam, sive aliter, prout Congregationi Vocabulum melius expedire visum fuerit; Nos æquum ducimus, ut tam per æstivos quàm hyemales menses, sive vernos, sive autumnales, tres omnino, sive plures horæ post mediam noctem præcedant matutinam surrectionem. Ut autem

hæc nostra providentia non noceat recitationi Officii Matutini cum Laudibus, recitationem hujusmodi quocumque tempore fieri posse, sive ante, sive post Solis occasum permittimus et statuimus.

De Lecto, interiori, ac victu.  
 §. 6. Inter cætera etiam austerioris vitæ incommoda illud quoque a quamplurimis existimatur non leve, quod in Constitutionibus, quoad lectum, hisce verbis præscribitur; *Non useranno lenzuola di lino, nè dormiranno su mazzuzzi, ma su la paglia, se però l' infermità o bisogno particolare di alcuno, a giudizio del Medico, e del Rettore della Casa, non ricercasse altrimenti*; ita etiam illud, quod hisce quoque verbis præcipitur: *Non porteranno Camicie di lino, ma solamente di lana*; Nos sanè paterna charitate considerantes, non eandem esse omnium conditionem valetudinemque, quoad hanc partem ipsis Constitutionibus pari auctoritate et tenore derogamus, ac liberum licitumque esse unicuique declaramus ac permittimus, ut deinceps quisque ad sui libitum culcitris, lintheaminibus, atque etiam interulis, vulgò *Camicie*, ex lino, sine ullo conscientiæ angore uti valeat. In ipsis quoque Constitutionibus cum statutum sit hisce pariter verbis: *Il vestito sarà comune agli onesti Sacerdoti e Chierici Secolari. Niuno userà seta, nè sorte alcuna di vanità, tanto di sopra, quanto di sotto; e nel vestire saranno uniformi, per quanto sarà possibile*; Nos itidem statutum hujusmodi laudamus et confirmamus; sed quoniam apud vos usus et consuetudo inolevit, quod Caligæ, et Tibialia, vulgò *Calzette*, Femoralia, o *Calzoni*, Thoraces, o *Camiciole*, albi dumtaxat coloris esse debeant, quo albo colore honesti Sacerdotes et Clerici Sæculares in præsentia non utuntur; volumus et mandamus, ut deinceps Caligæ, Tibialia, Femoralia, et Thoraces hujusmodi fiant sive ex lana, sive gossipio, sive lino dumtaxat, sed coloris nigri, sive subnigri, et subobscuri, et, quoad fieri possit, unifor-

PONT. A. XII. mis. Laudamus pariter cibi, potusque parsimoniam, quæ a vobis servatur; sed optamus, ut provida a Rectoribus Superioribusque habeatur ratio tum laborum, tum conditionis, tum valetudinis, tam quoad ciborum quantitatem, quàm quoad eorundem qualitatem et condimentum.

Adhortatio ad A. XII. Cong. incrementa. §. 7. Cæterùm, dilecti Filii, hæc quidem Nos habuimus, quæ pro majori vestræ Congregationis commodo et incremento statuenda, permittenda, et suggerenda duximus; derogantes Constitutionibus, Regulis, et Capitularibus decretis ejusdem Congregationis, in iis dumtaxat, quæ omnibus præmissis adversantur; Vos verò accuratè animadvertere debetis, si qua alia corrigi, emendari, mutari, et addi ac statui digna supersint, ut, ubi supremæ Apostolicæ nostræ auctoritatis partes vobis opus esse noveritis, Nos opportunè conferamus. Nobis enim nihil magis cordi est, quàm ut Congregatio vestra non solum nova suscipiat incrementa religiosarum virtutum; sed pluribus etiam abundet Ecclesiasticis Viris, qui in vinea Dei Sabbaoth adlaborent; atque in obsequium Apostolicæ hujus Sanctæ Sedis, hic Romæ præsertim, quemadmodum pauci tamen sese summa cum cordis nostri lætitia præclarè gerere pergunt, labores suos impendere et adhibere adnitantur. Interim, ad prosperi successus auspiciū, ab Omnipotenti Deo bonorum omnium largitore vobis, dilecti Filii, uberem cœlestium charismatum copiam supplices poscimus, et Apostolicam Benedictionem studiosæ nostræ ad vobis opportunè gratificandum voluntatis pignus peramanter impertimur.

Dat. die 12. Aprilis 1752. Datum Romæ apud S. Mariam Majorem sub Annulo Piscatoris, die XII. Aprilis MDCCLII. Pontificatus Nostri Anno Duodecimo.

*Cajetanus Amatus.*

ERECTIO OPPIDI PERGULÆ LXI.

In Civitatem: cum concessione plurium facultatum Vicario Episcopi Eugubini ibidem deputando.

BENEDICTUS EPISCOPUS

SERVUS SERVORUM DEI

*Ad perpetuam rei memoriam.*

ROMANUM decet Pontificem ita Subditorum Populorum utilitatibus, et ornamentis consuleri, ut Apostolicæ Sedis benignitas erga ipsos magis in dies elucescat; ipsique promeritos fidelitatis, et obsequii sui fructus ex provida Supremi Principis liberalitate percipiant.

§. 1. Sanè exposita Nobis pro parte Dilectorum Filiorum Communitatis, et Hominum Nostræ Terræ Pergulæ Eugubinæ Diœcesis petitio continebat, quod dicta Terra quinque Millibus et ultra Incolarum referta, usque ab initio decimi tertii Sæculi Cives habuit Nobilitatis gradu decoratos, et subsequentibus temporibus plurimi in ea Litterarum et Armorum laude illustres Viri, et Ecclesiarum Præsules, ac Romanæ Curia Prælati, nec non Militaris Ordinis Sanctorum Mauritii et Lazari Equites ortum duxerunt: ita ut hac nostra ætate plures ibi adsint Familia Nobiles, etiam cum aliis Nobilibus Civitatum Nostræ Ditionis Familiis jampridem affinitatibus et cognationibus junctæ: nec ei deest Annonæ ubertas, ac rerum omnium ad commoda vitæ opportunarum copia; pluresque artes, et artificia, ac potissimum textrinæ, in ea florent: Insuper eidem Terræ

Pergulæ  
Oppidi  
decora et  
ornamen-  
ta.

PONT. et in ea Jus-dicenti unum Castrum et quinque  
A. XII. loca subjecta sunt: Ipsius verò Terræ Magi-  
stratus, ex triplici Personarum gradu, Nobili-  
bus nempe, Civibus, et Plebeis constans, non-  
nullis prærogativis, et juribus gaudet, signan-  
ter in causis de damno dato judicandi, ac vi-  
sitandi cibaria: Præterea in ea copiosus est tam  
Secularis, quàm Regularis Clerus, ac una, quæ  
insignis etiam est, Collegiata, aliis quinque Pa-  
rochialibus supereminet Ecclesiis, sex item Vi-  
rorum Regularium Cœnobija, tria Monialium  
Monasteria, unum Orphanorum Conservato-  
rium, duodecim Laicorum Confraternitates, tria  
pro infirmis pauperibus excipiendis Hospitalia  
numerantur: Mons quoque Pietatis, et alter  
Frumentarius, ac Bibliotheca ad commune com-  
modum instituta, patent: Quodque magis in  
pretio habendum merito putant, in Ecclesia  
Fratrum Eremitarum Ordinis S. Augustini ejus-  
dem Terræ trium Sanctorum Martyrum ipsius  
Terræ Protectorum exuvia, nimirum Secundi,  
Agapiti, et Justinæ, debita honorificentia col-  
luntur.

§. 2. Contra verò, sicut eadem expositio  
Incom- subjungebat, prædicta Terra non leve ex eo  
moda ex patitur incommodum, quod cum in spirituali-  
Episcopa- bus Ecclesiæ Eugubinae, illiusque Episcopo pro  
lis Curia- tempore existenti subsit; Eugubina autem Ci-  
Eugubinae- vitas per triginta circiter milliaria ab ipsa Terra  
distantia. distet, ac iter sit asperum et invium; idcirco  
ipsis Terræ Incolæ pro qualibet etiam levi causa  
ad Civitatem prædictam se conferre adstricti,  
non modicum ferunt præjudicium et dispen-  
dium, ac in iis, quæ promptum exigunt re-  
medium, justitiæ et providentiæ differtur ad-  
ministratio.

Preces pro splen-  
doris in-  
cremento  
et pro re-  
formatio-  
ne regi-  
minis in  
Spirit. §. 3. Quare pro parte eorundem Communi-  
tatis et Hominum Nobis fuit humiliter suppli-  
catum, quatenus, ut ipsis et eorum Patriæ  
præmissis dotata titulis novum decoris addē-  
retur incrementum, et simul relatis incommo-  
dis stabile remedium præstaretur, eamdem Ter-  
ram

ram in Civitatem erigeremus, et aliquam illius  
in spiritualibus regiminis formam præscribere-  
mus, erigentes illius Collegiatam in Concate-  
dralem, seu ad minus ibidem constituentes  
specialem Vicarium Generalem. Porrò hujus-  
modi Communitatis, et Hominum prædictorum  
instantiâ aliâs per Nos ad Congregationem Ve-  
nerabilium Fratrum Nostrorum S. R. E. Car-  
dinalium Negotiis et Consultationibus Episco-  
porum, et Regularium præpositam, remissâ,  
quum nunquam in ea proposita extiterit;  
nuper verò eadem Communitas, et Homines  
prædicti, Nobis iterum supplicari fecerint, ne  
eorum preces per viam iudicii proponi sinere-  
mus, sed quæcumque Nobis opportuna visa  
fuissent, ad ipsius Terræ decoris augmentum,  
et Spiritualis regiminis commoditatem, per Nos  
ipso statuere, et respectivè concedere digna-  
remur.

§. 4. Nos igitur, qui omnibus, et potissimum  
Dilectis nostris Ecclesiæque Romanæ etiam in Pontif.  
temporalibus subditis, rationabilia petentibus, Prædeces-  
benignum auditum præstare non detrectamus, sorum be-  
nignita-  
tem erga  
Terram  
Pergula  
imitari  
constituit  
dictamque Terram ab aliis etiam Romanis Pon-  
tificibus Prædecessoribus Nostris Apostolicæ li-  
beralitatis favoribus cumulata fuisse accepi-  
mus, ac potissimum a felicis record. Urbano  
Papa VIII. qui ejusdem Terræ Hominibus sin-  
gulare Privilegium, ut Nobis etiam relatum  
fuit, per suas in forma Brevis die xv. Junii  
Anno Domini MDCXXXIII. expeditas Litteras  
concessit; ut scilicet quoscumque agrorum suo-  
rum fructus, atque proventus, cujuscumque ge-  
neris, e Territorio ipsius Terræ extrahere, et ad  
quemcumque locum Ecclesiasticæ Ditioni mediâtè  
vel immediâtè subjectum, usque ad distantiam  
unius diætæ, sine ulla cujusvis Datii, tam Camera  
Apostolicæ, quàm etiam aliarum ejusdem Di-  
tionis Civitatum, Terrarum, aut Locorum Com-  
munitatibus debiti, solutione, deferre liberè  
possent; Eisdem Communitatem, et Homines, Instantes  
ac eorum singulares Personas, a quibusvis ex- absolvit  
Tom. IX. N

ANNO  
1752.Remit-  
tuntur ad  
Congreg.  
Episc. et  
Regul.

PONT. communicationis, suspensionis, et interdicti, A. XII. aliisque Ecclesiasticis sententiis censuris, et pœ- ad cau- nis, a jure, vel ab homine quavis occasione, telam, in- vel causa latis, si quibus quomodolibet inno- stantiam dati existunt, ad effectum præsentium tantum verò ad se consequendum, harum seriè absolventes, et avocat. absolutos fore censentes: Motu proprio, et ex certâ scientiâ, de Apostolicâ, et supremâ Nostræ potestatis plenitudine, prædictam instantiam, ac etiam quamcumque litem, et causam super præmissis in dicta Congregatione introductam, in eaque pendentem, ad Nos avocando, penitus et omnino extinguimus, omnibusque et singulis desuper interesse habentibus, seu habere prætendentibus, perpetuum silentium imponimus.

Pergulam §. 5. Porro Terram Pergulæ præfatam in Ci- in Civita- vitatem perpetuò erigimus et instituimus; ei- tem erigit que Civitatis titulum ad denominationem, cum con- omnibus honoribus, juribus, prærogativis, ac suetis ho- decorationibus, quæ cæteris omnibus Ditionis noribus, Nostræ Pontificiæ Civitatibus competere di- Juribus gnoscuntur; Nec non Magistratui ejusdem Terræ etc. in Civitatem, ut præfertur, erectæ, consuetos honores, et insignia, quibus aliarum ejusdem Ditionis Civitatum Magistratus, de jure, usu, aut consuetudine gaudere, seu quibus uti respectivè possunt et valent: Ita tamen, ut pro tempore existens Ecclesiæ Eugubinæ Episcopus prædictus in dicta Terra per Nos in Civitatem ut præfertur, erecta, residere minimè teneatur, sed illa Ecclesiæ Eugubinæ, ut antea, subjecta remaneat, eadem auctoritate concedimus, et impertimur.

Vicarium §. 6. Ac insuper Venerabili Fratri moderno, Foraneum et pro tempore existenti Episcopo Eugubino Episcopi prædicto, simili auctoritate, ac earumdem præ- Eugubini sententiarum tenore committimus et mandamus, ut ibidem in dicta Terra per Nos in Civitatem, ut præ- deputan- fertur, erecta, unum Presbyterum, vel sal- dum con- tem Clericum sæcularem, in aliqua publica et stituit. approbata studiorum Universitate Laurea Do-

ctorali insignitum, ac probum et idoneum, ANNO Exterum, cum congrua ab ipso Episcopo Eugubino taxanda, et a Communitate persolvenda 1752. sin minus ejusdem Terræ in Civitatem per Nos, ut præfertur, erectæ, seu dictæ Eugubinæ Diocesis, Civem vel Incolam, in sui ipsius Vicarium Foraneum stabiliter deputare, ac in unius pro tempore cedentis, vel amoti, aut decedentis locum, alterum eisdem qualitatibus præditum quantocitius modo expresso subrogare debeat, et teneatur; Ipse autem Vicarius sic deputatus, Civiles quidem omnes et singulas causas, Ordinarias, executivas, et summarias, et tam in petitorio, quàm in possessorio judicio, et profanas, ac mixtas, et compromissas, inter personas, dictæ Terræ Pergulæ per Nos in Civitatem erectæ, ejusque Territorii, seu Comitatus, Incolas, et Ordinariæ dicti Episcopi Eugubini Jurisdictioni subjectas, seu Loca, Collegia, et Universitates inibi consistentia, vel etiam inter alios quoscumque, ubi de rebus ibidem sitis agatur, et aliàs super quibuscumque pecuniarum summis, et Censibus, aliisque responsionibus, rebusque ac bonis ad quamcumque pecuniarum summam, ac numerum, quantitatem, et valorem ascendentibus, rebusque aliis in actis causarum hujusmodi forsitan deducendis, et illorum occasione cum omnibus et singulis suis incidentibus, dependentibus, emergentibus, annexis, et connexis, servatis tamen de jure servandis, in prima hujusmodi causarum instantia, audire, cognoscere, decidere, sineque debito terminare possit et valeat: cum facultate dictas Partes respectivè, et omnes alios quos opus sit, citandi, eisque, quoties opus fuerit, etiam sub Censuris Ecclesiasticis, et pecuniariis pœnis suo arbitrio moderandis, et juxta dicti Episcopi Eugubini mandata applicandis, inhibendi, et in eventum non partitionis, pœnas, et censuras prædictas incurrisse, et incidisse declarandi, easque aggravandi, reaggravandi, interdicendi,

Hujus-  
modi Vi-  
carii fa-  
cultates  
in Judiciis  
Civilibus,  
enunciat.

PONT. et brachii sæcularis auxilium invocandi, ac  
A. XII. alia quævis opportuna decreta condendi; ac  
sententias, proferendi, et loco sententiarum  
hujusmodi, etiam mandata executiva in forma  
solita et consueta decernendi, ac illa et quid-  
quid per eum judicatum fuerit, exequendi,  
expensas taxandi, et moderandi; non tamen  
ipsas Partes a vinculo juramenti ad effectum  
agendi, aliisque Censuris Ecclesiasticis absol-  
vendi; sed, his exceptis, alia omnia et singula  
faciendi, gerendi, et exercendi, in præmissis  
necessaria seu quomodolibet opportuna; salvâ  
semper appellatione in secunda instantia ad  
Curiam Episcopalem Eugubinam, vel ad Nos,  
et Sedem Apostolicam.

Item in crimina- §. 7. Item causas criminales minoris momenti,  
libus le- et in quibus pœna corporis afflictiva locum non  
vioribus. habet, alioquin ad Forum dictæ Curie Ecclē-  
siasticæ pertinentes, et in ipsa Terra per Nos  
in Civitatem erecta, ejusque Territorio seu Co-  
mitatu emergentes, possit Vicarius prædictus  
per se ipsum cognoscere, definire, et resol-  
vere; in aliis verò causis criminalibus quibus-  
cumque ad dictum Forum spectantibus, ibi-  
demque emergentibus, denunciations, et que-  
relas excipere, ac etiam ex officio, in casibus  
alioquin permissis, corpus delicti efformare,  
testes examinare, aliaque indicia colligere, et  
cumulare possit, et valeat; Processus tamen  
in hujusmodi causis confectos, postquam com-  
pleti fuerint, ad ipsam Curiam Episcopalem  
Eugubinam transmitti teneatur; ut vel ibi  
sententia proferatur, vel si eadem Curia Epi-  
scopalis Eugubina satiùs duxerit hujusmodi Pro-  
cessus ad ipsum Vicarium, unâ cum instru-  
ctione ad effectum procedendi, remittere, tunc  
ipse Vicarius eidem instructioni se conformans  
in omnibus et per omnia, instructionem, et  
ordinationem a dicta Curia Episcopali susceptas  
exequi debeat, et teneatur.

Quid in §. 8. Possit etiam dictus Vicarius, in crimi-  
graviori- bus et ur- nalibus hujusmodi causis gravibus et urgenti-  
bus et ur- gentibus.

bus, et cum in mora periculum fore judica-  
bitur, tam ad recurrentium instantiam, quàm  
etiam ex officio, ut supra, ad inquisiti captu-  
ram procedere. Interim verò, donec ejusdem  
Curie Episcopalis Eugubinae, ad quam hujus-  
modi capturæ notitiam statim deferre debebit,  
mandata susceperit, hujusmodi Inquisitum in  
Carceribus Laicalibus Pergulae, quatenùs tutæ  
sint, retinere valeat; alioquin illum ad ipsam  
Civitatem Eugubinam, et ad dispositionem di-  
ctæ Curie Episcopalis, cum debitis cautelis  
transferri curet.

§. 9. Ita quoque idem Vicarius examina Te-  
stium super statu libero personarum ejusdem  
Terræ Pergulae in Civitatem per Nos, ut præ-  
fertur, erectæ, ejusque Territorii, seu Comi-  
tatus Incolarum, excipere; seu, si aliquam  
personam hujusmodi a Congregatione Venera-  
bilium Fratrum Nostrorum prædictæ S. R. E.  
Cardinalium contra Hæreticam pravitatem Ge-  
neralium Inquisitorum ad juramentum præ-  
standum in supplementum probationum, quæ  
ipsi forsitan pro aliquo tempore, quo vagam  
duxisset vitam, super hujusmodi status liber-  
tate deessent, admitti contingat; idem Vica-  
rius personam hujusmodi examinare, eique pœ-  
nas contra Polygamos in jure inflictas commi-  
nare, ac juramentum suppletivum hujusmodi  
ab ipsa persona, ut moris est, præstandum,  
excipere possit et valeat; cum hoc tamen, ut  
tam testium prædictorum depositiones, quàm  
acta examinis et juramenti hujusmodi, ad di-  
ctam Curiam Episcopalem Eugubinam trans-  
mittantur, ad quam privativè spectabit ordi-  
nationes opportunas, ac licentias tradere pro  
Matrimoniorum celebratione, vel attestations  
super status, et conditionis libertate expedire.

§. 10. Nos enim hujusmodi Vicario Foraneo  
ibidem, ut præfertur, deputando, præmissas  
omnes et singulas facultates et auctoritates a  
dicto Episcopo Eugubino nunc et pro tempore  
existente (etiam si Synodales dictæ Ecclesie Eu-  
cario tri-

ANNO  
1752.

Et quid  
in matri-  
moniali-  
bus.

Præmis-  
sas facul-  
tates Vi-  
cario tri-

PONT. gubinae, vel aliae, etiam Apostolicae, Consti-  
 A. XII. tutiones et Ordinationes, ac Juris Canonici  
 buendas dispositiones (obstant) communicari et com-  
 decernit, mitti, ac respectivè ab eodem Vicario ibidem  
 liberè et licitè exerceri posse permittimus et  
 indulgemus, ac etiam volumus et mandamus;  
 et quatenus opus sit, Nos ipsi, easdem omnes  
 et singulas facultates et auctoritates eidem Vi-  
 cario, ut praefertur, deputando, ac pro tem-  
 pore quodcumque existenti, dicta auctoritate  
 Apostolica, et earumdem tenore praesentium  
 concedimus et impertimur: Non intendimus  
 tamen impedire Episcopum Eugubinum pro tem-  
 pore, quominus possit eidem Vicario majores  
 Facultates concedere, ultra praedictas, quate-  
 nus ei ita expediens videatur.

Acta Ju- §. 11. Statuentes etiam, ut omnium Judicio-  
 ridica co- rum tam civilium, quam criminalium, aliorum-  
 ram Vica- que omnium, quae coram dicto Vicario agitata,  
 rio gesta, gesta, et juxta praemissas dispositiones nostras  
 apud No- resoluta ac decisa fuerint, Acta, Instrumenta,  
 tarium et Documenta quaecumque, apud Notarium  
 publicum Foraneum dictae Curiae Episcopalis Eugubinae,  
 in ipsa in eadem Terra Pergulae per Nos, ut praefertur,  
 Civitate in Civitatem erectae, publicum Officium habentem,  
 Pergulae cum debitis cautelis, etiam perpetuo asservari  
 asserventur. debent; ut inde authentica Exempla,  
 seu Transumpta, et fides, ad omnem petentium  
 instantiam, in casibus alioquin permissis, seu  
 cum requisitis licentiis, aut etiam de mandato  
 Superiorum, ad quos pertinet, et ex officio,  
 legaliter extrahi valeant; et sic asservata et  
 extracta, eandem fidem in judicio, et extra,  
 ubique locorum obtineant, ac si in ipsa Cancellaria  
 Episcopali Eugubina asservata, indeque extracta  
 fuissent.

De annua §. 12. Ne autem per haec aliquod eidem Can-  
 praestatio- cellariae Episcopali Eugubinae, ejusque juribus,  
 ne tum ipsique Mensae Episcopali Eugubinae, quae exi-  
 Episcopo gnis potius est dotata redditibus, inferatur praet-  
 Eugubino- tum dicto judicium, quod sanè, sicut accepimus, ex cal-  
 Vicario culo per decennium efformato, ad summam

annuam quadragintaquinque scutorum circiter ANNO  
 monetæ Romanæ de Juliis decem pro quolibet 1752.  
 scuto hujusmodi ascensurum foret, cum præ- Pergulae,  
 sertim hujusmodi Vicario, quatenus extero, ut si extra-  
 supra, deputando, congruum pro ejus substentus fue-  
 ratione, ut infra, tribui debeat honorarium; rit, sol-  
 volumus etiam et mandamus, ut ex redditibus venda.  
 Communitatis dictae Terrae per Nos in Civita-  
 tem, ut praefertur, erectae, illius Magistratus  
 pro tempore existens dicto Venerabili Fratri  
 moderno et pro tempore existenti Eugubino  
 Episcopo annuam summam dictorum quadra-  
 gintaquinque scutorum dictae monetæ singulis  
 annis in duabus aequalibus solutionibus in fine  
 semestris, nec non ut ex eisdem Communitatis  
 praedictae redditibus supra enunciatum quoque  
 honorarium eidem Vicario, ut praefertur, de-  
 putando, juxta summam per eundem modernum  
 et pro tempore existentem Episcopum Eugubi-  
 num praefigendam, omni mora, dilatione, et  
 contradictione cessantibus, et absque eo quod  
 eadem summæ ex quavis causa, colore, et præ-  
 textu retardari, vel imminui, aut impugnari  
 possint, omnino solvere respectivè debeat et  
 teneatur.

§. 13. Decernentes easdem praesentes Litte- Clausula  
 ras, et in eis contenta quaecumque, etiam ex et Decreta  
 eo, quod quicumque in praemissis jus vel in- pro con-  
 teresse habentes, seu habere quomodolibet præ- cessionum  
 tendentes, illis non consenserint, nec ad ea vo- firmitate.  
 cati, citati, et auditi, neque causæ, propter  
 quas praesentes emanarint, sufficienter adduc-  
 tæ, verificatae, et justificatae fuerint, aut ex  
 alia quantumvis legitima et privilegiata causa,  
 colore, praetextu, et capite, etiam in corpore  
 juris clauso, etiam enormis, enormissimæ, et  
 totalis læsionis, nullo unquam tempore de sub-  
 reptionis, vel obreptionis, aut nullitatis vitio, seu  
 intentionis nostræ, aut interesse habentium consensu,  
 aliove quolibet, etiam quantumvis magno  
 et substantiali, ac inexcogitato, et inexcogitabili,  
 individuumque expressionem requirente defectu



PONT. notari, impugnari, infringi, retractari, in jus, A. XII. vel controversiam revocari, aut ad terminos juris reduci, seu adversus illas aperitionis oris, restitutionis in integrum, aliudve quodcumque juris, facti, vel gratiæ remedium impetrari, seu impetrato, aut etiam motu, scientia, et potestatis plenitudine paribus concessio, quempiam in judicio, vel extra illud uti, seu se jurare ullo modo posse. Sed ipsas præsentis Litteras semper firmas, validas, et efficaces existere et fore, suosque plenarios, et integros effectus sortiri et obtinere, ac illis, ad quos spectat, et pro tempore quodcumque spectabit, in omnibus et per omnia plenissimè suffragari; Sicque in præmissis per quoscumque Judices Ordinarios, et Delegatos, etiam Causarum Palatii Apostolici Auditores, et ejusdem S. R. E. Camerarium, ac alios Cardinales etiam de Latere Legatos, Vice-Legatos, et alios quoscumque, quavis præeminentia et potestate fungentes, et functuros, sublata eis, et eorum cuilibet quavis aliter judicandi et interpretandi facultate et auctoritate, judicari et definiri debere; ac irritum et inane, si secus super his a quoquam quavis auctoritate scienter vel ignoranter contigerit attentari.

Deputatio §. 14. Quocirca Venerabilibus Fratribus Archiepiscopo Corinthien. moderno Ducatus et Judicum Provinciae Urbinatensis Præsidenti, ejusque Successoribus Præsidentibus, vel etiam futuris Nostris et Apostolicæ Sedis in eadem Provincia et Ducatu de Latere Legatis ejusdem S. R. E. Cardinalibus; ac modernis etiam et pro tempore existentibus Archiepiscopo Urbinatensi, et Episcopo Eugubino, per Apostolica scripta mandamus, quatenus ipsi, vel duo, aut unus eorum, per se, vel per alios, seu alium, auctoritate nostra, quoties pro parte interesse habentium requisiti fuerint, aut ita expedire judicaverint, præsentis nostras Litteras, et in eis contenta, solemniter publicantes, prædictis Communitati, Magistratui, et Hominiibus, ac

etiam Vicario pro tempore, ut præfertur, deputando, et omnibus et singulis, quorum favorem præmissa concernunt, in præmissis etiam omnibus et singulis, efficaci defensionis præsidio assistant, faciantque eos omnibus et singulis præfatis pacificè frui et gaudere; non permittent eos, et eorum aliquem, per quoscumque desuper quomodolibet indebitè molestari, inquietari, aut impediri; Contradictores quoslibet et rebelles, cujuscumque status, gradus, ordinis, dignitatis, et præeminentia fuerint, per Censuras Ecclesiasticas, et pecuniarias pœnas, aliaque opportuna juris et facti remedia, appellatione postposita, compescendo.

§. 15. Non obstantibus contrariis quibuscumque, etiam Apostolicis, seu in Universalibus, Provincialibus, ac Synodalibus, etiam prædictæ Eugubinae Ecclesiæ Conciliis, editis Constitutionibus, et Ordinationibus, dictæque Ecclesiæ, et Civitatis Eugubinae, ac ejusdem Terræ in Civitatem, ut præfertur, erectæ, etiam juramento, confirmatione Apostolica, vel quavis firmitate alia roboratis Statutis, et consuetudinibus: Privilegiis quoque, indultis, et Litteris Apostolicis, quibusvis Personis et Locis, sub quibuscumque verborum tenoribus et formis, ac cum quibusvis clausulis et decretis, in genere vel in specie, aut aliàs in contrarium quomodolibet concessis, approbatis, et innovatis: Quibus omnibus et singulis, etiamsi pro illorum sufficienti derogatione, de illis, eorumque totis tenoribus specialis, specifica, expressa, et individua mentio, seu quævis alia expressio habenda, aut aliqua exquisita forma ad hoc servanda foret, tenores hujusmodi, ac si de verbo ad verbum, et forma in illis tradita observata, præsentibus exprimerentur et insererentur, pro plenè et sufficienter expressis et insertis habentes, illis aliàs in suo robore permansuris, ad præmissorum effectum, hac vice dumtaxat, specialiter et expressè derogamus, cæterisque contrariis quibuscumque.

ANNO  
1752.

Derogatio  
contrariis

PONT. §. 16. Nulli ergo omnino hominum liceat hanc  
A. XII. paginam nostræ absolutionis, erectionis, insti-  
Sanctio. tutionis, commissionis, concessionis, imperti-  
tionis, indultorum, voluntatum, mandatorum,  
decretorum, ac derogationum infringere, vel  
ei ausu temerario contraire. Si quis autem hoc  
attentare præsumperit, indignationem Omni-  
potentis Dei, ac Beatorum Petri, et Pauli Apo-  
stolorum ejus se noverit incursum.

Dat. Ro. Datum Romæ apud Sanctam Mariam Majorem  
mæ die 19. Anno Incarnationis Dominicæ millesimo septin-  
Aprilis gesimo quinquagesimo secundo, decimo octavo  
1752. An- Kal. Maji, Pontificatus Nostri Anno Duodecimo.  
no XII.

*D. Card. Passioneus.*

*J. Datarus.*

VISA DE CURIA.

*J. C. Boschi.*

*J. B. Eugenius.*

Loco ✕ Plumbi.

*Registrata in Secretaria Brevium.*

*Publicata die 29. Aprilis ejusdem Anni.*



## ECCLESIASTICI

LXII.

Ditionis Pontificiæ quid juris habeant inter-  
veniendi, et sententiam dicendi in Consiliis  
super rebus, et negotiis eorum interesse  
tangentibus.

## BENEDICTUS PAPA XIV.

*Ad futuram rei memoriam.*

QUAMVIS jamdudum Romani Pontifices Præ-  
decessores Nostri providam statuerint metho-  
dum in Ecclesiasticæ Ditionis Communitatibus  
observandam, ubi de negotio aliquo agen-  
dum sit, in quo tam Ecclesiasticorum, quàm  
Laicorum communis res agatur; nihilominus  
ad tollendos abusos, quos hac in re alicubi  
infectos accepimus, et ad removendas quere-  
las, quæ ad Nos assiduè deferuntur, opportu-  
num fore judicavimus, easdem Prædecessorum  
Nostrorum Leges confirmare et innovare, non-  
nullis adjectis declarationibus, per quas earum  
intelligentia magis in aperto constituatur.

Procc-  
mium.

§. 1. Primùm itaque, ab Ecclesiasticis unius-  
cujusque Civitatis, Oppidi, aut Loci, duo De-  
putati eligendi sunt, alter e Clero Seculari, et  
alter e Regulari; Quod si Regulares in loco non  
adsint, poterit Clerus Secularis non unum so-  
lùm, sed etiam duos e proprio corpore Depu-  
tatos eligere.

De ele-  
ctione De-  
putato-  
rum Cleri  
Secularis,  
et Regula-  
ris.

PONT. A. XII. De eorum interpellatione ejusque effectu.

§. 2. Quoties autem negotium aliquod agitari contingat, quod aliquo modo ad Ecclesiasticorum res atque rationes pertineat, aut pertinere possit; toties prædicti Deputati interpellandi sunt, ut illius tractationi intersint. Si verò ipsi interesse neglexerint, quæcumque demum fuerit ipsorum absentia causa, non ideo id, quod ipsis absentibus decretum erit, nullitatis vitio infectum censebitur: Sed pro decreti sic conditi validitate, satis erit, quod de facta interpellatione Deputatorum hujusmodi, extrajudicialiter constet.

Eorum liberum suffragium, sed consultivum tantummodo cum facultate recurrendi.

§. 3. Quum autem hujusmodi consultationibus Ecclesiasticorum Deputati intervenient, poterunt quidem, ac etiam debent, circa ea, quæ a Laicis proponerentur, sententias suas dicere; Verùm hæc consultivi suffragii vim tantummodo habebunt; neque, si fortè Laicorum resolutionibus contraria fuerint, istarum executionem retardare valebunt; reservata dumtaxat Ecclesiasticis facultate recurrendi deinceps ad Superiora Tribunalia, a quibus postulare poterunt ea præjudicia emendari, quæ ex Laicorum resolutionibus illata sibi esse contendunt.

Qua ratione compositorum revisionibus interesse, et super illis sententiam dicere valeant.

§. 4. Porrò quum aliqua sint expensæ, quibus tolerandis, ex Romanorum Pontificum præscripto, Ecclesiastici cum Laicis concurrere debent, cumque æquum non sit, ut pecuniarum summæ ab Ecclesiasticis persolutæ, in aliam causam a Laicis erogentur, præter eam, quæ in Pontificiis Mandatis expressa est; ideo statutum est, ut semel saltem in anno rationum redditio fiat, vocatis ad eam Ecclesiasticis Deputatis, quibus exhiberi etiam debent Libri, in quibus administrationis computa continentur; Hos tamen Libros Ecclesiastici minimè poterunt domum asportare, sed examinare debent in eo loco, qui a Governatore Locali, seu a S. R. E. Cardinali Provinciae Legato, ma-

jori, qua poterit cautela, ad id designatus fuerit, eoque temporis spatio, quod ipsis ad hunc effectum a supradictis præscriptum fuerit; cum facultate recursum habendi ad Superiores, quoties in hujusmodi rationum redditione animadverterint, aut dati et accepti capita non rectè constare, aut collatam pecuniam in alias causas erogatam fuisse ab illis diversas, quibus ex Pontificis voluntate destinata fuerat.

§. 5. Hæc omnia aut expressè, aut implicite continentur in Epistola Encyclica, de mandato Ven. Servi Dei Prædecessoris Nostri Innocentii Papæ XI. die 19. Julii anni 1681. expedita, et in Decretis a Congregatione Ven. Fratrum Nostrorum ejusdem S. R. E. Cardinalium super Bono Regimine Communitatum, et Universitatum Status Nostri Ecclesiastici, auctoritate Apostolica, deputatorum aliàs emanatis. Quæ ideo ab omnibus, ad quos spectat, in posterum observari volumus et mandamus; Sicque, et non aliter in præmissis, per quoscumque Judices Ordinarios, et delegatos, etiam Causarum Palatii Apostolici Auditores, et S. R. E. Cardinales etiam de Latere Legatos, et Provinciarum, Civitatum, et Locorum Status Nostri Ecclesiastici Præsides, Vice-Legatos, Governatores, aliosque quoslibet, judicari et definiri debere, sublata eis, et eorum cuilibet aliter judicandi, definiendi, ac interpretandi facultate, et auctoritate; et si secus a quoquam scienter vel ignoranter gestum aut judicatum fuerit, irritum et inane decernimus.

§. 6. Non obstantibus quibuslibet Apostolicis Constitutionibus, et Ordinationibus, nec non rursus derogatur. Ecclesiarum, et Ordinum Regularium, Congregationum, et Institutorum, etiam expressa mentione dignorum, ac Civitatum, et Provinciarum, etiam juramento, Confirmatione Apostolica, vel alia quavis firmitate roboratis Statutis, Usibus, et Consuetudinibus etiam imme-

PONT. morabilibus; Privilegiis quoque, Exemptionibus, Indultis, et Litteris Apostolicis, cuilibet præmissorum quomodolibet in contrarium concessis, ac pluries confirmatis, et innovatis: Quibus omnibus et singulis, quatenus opus sit, expressè derogamus, aliisque in contrarium facientibus quibuscumque.

Dat. die Datum Romæ apud S. Mariam Majorem sub  
29. Julii Annulo Piscatoris die xxix. Julii MDCCLII. Pon-  
1752. tificatus Nostri Anno XII.

*D. Card. Passioneus.*



## APPENDIX

AD TOMUM III.

### BULLARII

SANCTISSIMI DOMINI NOSTRI D.

**BENEDICTI PAPÆ XIV.**

NUM. I.

ALLOCUTIO

*Habita in Consistorio Secreto Feria Secunda  
die 21. Aprilis 1749.*

Super honorifico FIDELISSIMI Titulo JOANNI  
V. Portugalliæ, et Algarbiorum Regi, ejus-  
que Successoribus, a Sanctitate Sua collato. *Vide Vol.  
7. pag. 5.*

VENERABILES FRATRES.

**C**ONSENTANEUM planè, immò et necessarium arbitramur declarare Vobis quemadmodum in præsentia declaramus, Carissimo in Christo Filio Nostro JOANNI Portugalliæ et Algarbiorum Regi, ejusque Successoribus, collatum a Nobis fuisse perhonorificum FIDELISSIMI Titulum, qui merito quidem ipsi tribuendus videbatur. Etenim toto vitæ suæ cursu præclarissima gessit,